

蒜蒜二同劇奇連咽咽見反於胡膠下音腋下交裸上音郎累反襪又胡瓦反浣浣玄伴反撤壞上直列反麗亦反

有緣下音去償音常斟酌上音針反之約反

十九末

上三

西京大同路在城住人李吉那實巴施中統鈔奉定助刊

太歲經板所集 功德保延母親張氏身官康泰壽算延更興

自身吉祥如意者

大德十年十月初一日意願

二部僧問諸比丘尼汝等實亦不答言實亦世尊佛種種呵責言我先不說八敬法比丘尼安居竟應從比丘衆請見聞疑罪耶呵已告諸比丘今爲諸比丘尼結戒從今是戒應如是說若比丘尼安居竟不從比丘僧請見聞疑罪波逸提若僧不和集若八難時不犯

彌沙塞部五分律卷第十三

上三

宋罽賓三藏佛陀什恭道等譯

第二分墮法之二尼律

余時諸比丘尼安居竟不於比丘僧中請見

聞疑罪無人教誠愚無所知不能學戒諸長老比丘尼種種呵責以事白佛佛以是事集

從今是戒應如是說若比丘尼就安居請竟一宿不去波逸提式叉摩那沙弥尼突吉羅若病若恐怖若不齊限請若非受請處安居不去不犯

至今爲諸比丘尼結戒亦如上說從今是戒應如是說若比丘尼於國內恐怖處無所依怙而獨行者波逸提雖衆多比丘尼共行而無白衣強伴名爲獨行從一聚落至一聚落若無聚落行半由旬波逸提式叉摩那沙弥尼突吉羅若急難叛走皆不犯

余時諸比丘尼出國境恐怖處行亦無救護

者爲惡人剝奪乃至今爲諸比丘尼結戒亦如上說從今是戒應如是說若比丘尼出國境恐怖處無所依怙而獨行者波逸提餘如上說

余時諸比丘尼在毗舍佉母所作精舍安居

竟無所付囑空寺出行於後火起有人見之語毗舍佉母言汝所作比丘尼精舍爲火所燒彼便遣奴婢往救得不燒盡諸比丘尼後還毗舍佉母問言阿姨汝不失物不答言我失如是如是物遂過長說所失物毗舍佉母呵責言云何在我精舍安居不付囑而去致

使火燒而復過長說所失物諸長老比丘尼聞種種呵責乃至今爲諸比丘尼結戒亦如是說從今是戒應如是說若比丘尼安居竟不付囑精舍出行者波逸提若不付囑行一脚出門突吉羅兩脚出波逸提式叉摩那沙弥尼突吉羅若更有比丘比丘尼來住若無人可付囑不犯

余時諸比丘尼在毗舍佉母精舍安居竟不捨精舍還主而去於後火起有人見之語毗舍佉母言汝所作比丘尼精舍爲火所燒毗舍佉母言置使燒盡先諸比丘尼不付囑出行致使失火後還復過長說所失物貽我惡名彼比丘尼後復還來毗舍佉母問言阿姨去時留物精舍中不答言無便呵責言云何去不還我精舍致使燒盡若語我者自當守護不使致此諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼安居竟不捨精舍還主

去者波逸提餘如上說

余時諸比丘尼看王宮殿及看盡舍又遊觀  
諸嬉戲處到華池上彼處多人聚看比丘尼  
語諸男子言汝可小避莫近逼我諸男子言  
不吉利人剃頭著割截衣不應來此而來此  
者是欲求男子云何使我避去便捉牽曳作

上三

三

鹿惡姪欲語諸長老比丘尼聞種種呵責乃  
至今爲諸比丘尼結戒亦如上說從今是戒  
應如是說若比丘尼種種遊看波逸提發心  
及方便突吉羅若發行步步波逸提式叉摩  
那沙彌尼突吉羅不爲看戲往皆不犯  
余時諸比丘尼半月布薩不來比丘僧中乞

教誠師以無人教誠故愚闇無知不能學戒  
諸長老比丘尼見種種呵責以事白佛佛以  
是事集二部僧問諸比丘尼汝等實尔不答  
言實尔世尊佛種種呵責諸比丘尼我先不  
說八敬法教汝等半月乞教誠師耶呵責已  
告諸比丘今爲諸比丘尼結戒從今是戒應

如是說若比丘尼半月不於僧中乞教誠師  
波逸提式叉摩那沙彌尼不求教誠悔過突  
吉羅若請不得若病不犯

余時差摩比丘尼命過諸比丘尼於比丘僧  
坊中爲起骨塔其眷屬日三反圍遶啼哭言  
施我法者施我衣食牀卧具醫藥者如何一

旦捨我長逝諸比丘厭患妨廢坐禪行道時  
優波離來入僧坊問舊住比丘此是何聲具  
以事答優波離即使人壞之諸比丘尼聞共  
作是議我等皆當持杖打彼比丘若不同往  
不復共住議已皆執杖詣僧坊見比丘便圍  
遠欲打知非乃止進前於狹路逢優波離前  
後共遮舉杖欲打優波離即以神力飛到佛  
所以事白佛佛以是事集二部僧問諸比丘  
尼汝等實尔不答言實尔世尊佛種種呵責  
比丘尼言汝等所作非法云何比丘尼打比  
丘呵責已告諸比丘今爲諸比丘尼結戒從  
今是戒應如是說若比丘尼入比丘住處波

逸提有諸比丘尼行路見空僧坊欲入禮拜而不敢入以事白佛佛以是事集二部僧告諸比丘今聽比丘尼入空僧坊從今是戒應如是說若比丘尼入有比丘住處波逸提有諸比丘尼於僧坊內有因緣事須入而不敢

入以事白佛佛以是事集二部僧告諸比丘

上三

四

今聽比丘尼有緣事須入僧坊白比丘比丘聽然後入從今是戒應如是說若比丘尼入有比丘住處不白比丘波逸提有諸比丘尼有緣事欲入僧坊諸比丘或坐禪或眠不能得自以事白佛佛以是事集二部僧告諸比丘今聽諸比丘尼進入坊內見比丘便白從今是戒應如是說若比丘尼入有比丘住處見比丘不白波逸提有諸比丘尼急難時欲避難入僧坊而不敢入或爲賊所奪或爲惡獸所害以事白佛佛以是事集二部僧告諸比丘今聽比丘尼若急難時隨意入僧坊從今是戒應如是說若比丘尼入有比丘住處

見比丘不白除急難時波逸提若不見比丘不得白而入須見比丘便白彼比丘應籌量若可入時應聽入若不可入時不應聽入見而不白及不聽而入波逸提式叉摩那沙弥尼突吉羅

余時諸比丘尼未滿十二歲畜眷屬不能教

誠不能攝取弟子愚闇無知不能學戒諸長老比丘尼見種種呵責乃至今爲諸比丘尼結戒亦如上說從今是戒應如是說若比丘尼不滿十二歲畜眷屬波逸提不滿十二歲者受戒未滿十二歲畜眷屬者爲人作和尚若發心欲畜衆至白四羯磨未竟突吉羅白

上三

五

四羯磨竟和尚波逸提餘尼師僧突吉羅余時諸比丘尼雖滿十二歲而聾盲瘡痘種種諸病無所知而畜弟子不能教誠不能攝取弟子愚闇無知不能學戒諸長老比丘尼見種種呵責以事白佛佛以是事集二部僧問諸比丘尼汝等實爾不答言實爾出尊佛

種種呵責言云何比丘尼盲聾瘡瘻種種諸病而畜弟子不能教誠不能攝取使弟子愚蠢無知不能學戒呵已告諸比丘今聽諸比丘尼白二羯磨畜衆彼比丘尼應到比丘尼僧中脫革屣偏袒右肩跪合掌白言阿姨僧聽我某甲比丘尼已滿十二歲欲畜衆從僧乞畜衆羯磨善哉僧與我作畜衆羯磨如是三乞諸比丘尼應籌量觀察此比丘尼堪畜衆不若不堪不應與作畜衆羯磨若堪應與作應一比丘尼若上座若上座等知法知律者唱言阿姨僧聽此某甲比丘尼已滿十二歲欲畜某甲爲衆從僧乞畜衆羯磨僧今與作畜衆羯磨若僧時到僧忍聽白如是阿姨僧聽此某甲比丘尼已滿十二歲欲畜某甲爲衆從僧乞畜衆羯磨僧今與作畜衆羯磨誰諸阿姨忍者默然若不忍便說僧已與某甲比丘尼作畜衆羯磨竟僧忍默然故是事如是持今爲諸比丘尼結戒從今是戒應

如是說若比丘尼滿十二歲僧不與作畜衆羯磨畜衆者波逸提餘如上說

余時諸比丘尼與未滿十二歲已嫁女受具足戒愚闇無知不堪學戒諸長老比丘尼見種種呵責乃至今爲諸比丘尼結戒亦如上說從今是戒應如是說若比丘尼與未滿十二歲已嫁女受具足戒波逸提未滿十二歲者雖已嫁而未滿十二歲嫁者已經男子餘如上畜眷屬中說

余時諸比丘尼雖滿十二歲已嫁女而女聾瘻種種諸病與受具足戒愚癡無知不能學戒諸長老比丘尼見種種呵責乃至今聽諸

上三

六

比丘尼白四羯磨與滿十二歲已嫁女受具足戒彼欲受具足戒人應到比丘尼僧中白言阿姨僧聽我某甲已嫁滿十二歲求某甲和尚受具足戒今從僧乞受具足戒善哉僧與我受具足戒憐愍故如是三乞已諸比丘尼應籌量可與受不可與受應一比丘尼羯

磨依如上說告諸比丘今爲諸比丘尼結戒從今是戒應如是說若比丘尼滿十二歲已嫁女僧不作羯磨與受具足戒波逸提餘如畜眷屬中說

余時諸比丘尼與未滿十八歲童女受學戒愚闇無知不堪學戒諸長老比丘尼見種種呵責乃至今爲諸比丘尼結戒亦如上說從

今是戒應如是說若比丘尼與未滿十八歲童女受學戒波逸提童女者未經男子發心及方便乃至白二羯磨未滿突吉羅白二羯

磨滿波逸提餘師衆皆突吉羅

余時諸比丘尼雖滿十八歲童女而女聾痘

種種諸病與受學戒乃至今聽諸比丘尼白

二羯磨與滿十八歲童女受二歲學戒欲受

學戒人應到比丘尼僧中白言阿嬢僧聽我

某甲和尚某甲今從僧乞二歲學戒善哉阿

嬢僧與我受二歲學戒憐愍故如是三乞已

諸比丘尼應善籌量可與受不可與受應一

比丘尼羯磨依如上說告諸比丘今爲諸比丘尼結戒從今是戒應如是說若比丘尼雖滿十八歲童女僧不作羯磨與受學戒波逸提餘如上說

余時偷羅難陀比丘尼主人婦求欲出家偷羅難陀言汝先與我衣我當度汝主人婦便

呵責言我是主人云何先索我衣然後見度不欲度我生老病死反利我衣此等無沙門

行破沙門法諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼語白衣婦女先與我衣

我當度汝波逸提若比丘尼語式叉摩那沙

彌尼突吉羅若彼負債償然後度不犯

余時偷羅難陀比丘尼語諸比丘尼言與我

作畜衆羯磨諸比丘尼言如佛所說應與作

畜衆羯磨者汝無是事不得與汝作畜衆羯

磨彼比丘尼便言諸比丘尼隨愛恚癡畏畏

者便與作不畏者便不與作諸長老比丘尼

聞種種呵責乃至今爲諸比丘尼結戒亦如上說從今是戒應如是說若比丘尼諸比丘尼語言如佛所說應與作畜衆羯磨汝無是事便呵諸比丘尼者波逸提

余時諸比丘尼教誠時不往聽羯磨時亦不在聽便愚闇無知不能學戒諸長老比丘尼

種種呵責乃至今爲諸比丘尼結戒亦如上

說從今是戒應如是說若比丘尼教誠及羯磨時不往聽波逸提教誠者說八敬等法羯磨者白羯磨白二白四羯磨

余時諸比丘尼有學戒尼滿二歲不與受具足戒彼後時得重病聾盲瘡症種種諸病遮

受戒法差摩比丘尼弟子學戒滿二歲亦不與受具足戒語言汝且學是戒彼後時得白癩病不知云何諸長老比丘尼種種呵責乃至今爲諸比丘尼結戒亦如上說從今是戒應如是說若比丘尼式叉摩那滿二歲無難說不與受具足戒語言汝且學是戒波逸提

上三

八

余時諸比丘尼度姪女不受教誠壁言如穿領牛不堪駕車若駕車時但欲出轍諸長老比丘尼種種呵責乃至今爲諸比丘尼結戒亦如上說從今是戒應如是說若比丘尼度姪女波逸提發心乃至白四羯磨未竟突吉羅白四羯磨竟和尚波逸提餘尼師衆突吉羅被厭惡女身度之不犯

余時諸比丘尼與未滿二歲學戒尼受具足戒彼愚闇無知不能學戒諸長老比丘尼見種種呵責乃至今爲諸比丘尼結戒亦如上說從今是戒應如是說若比丘尼與未滿二歲學戒尼受具足戒波逸提餘如畜眷屬中說余時諸比丘尼雖二歲學戒尼而聾盲瘡症種種諸病與受具足戒諸長老比丘尼見種種呵責乃至今爲諸比丘尼結戒亦如上說滿十二歲已嫁女中說從今是戒應如是說若比丘尼滿二歲學戒尼僧不作羯磨與受具足戒波逸提餘如畜眷屬中說

尔時諸比丘尼與滿二歲學戒尼不學戒者受具足戒愚闇無知不能學戒諸長老比丘尼種種呵責乃至今爲諸比丘尼結戒亦如上說從今是戒應如是說若比丘尼與滿二歲學戒尼不學戒者受具足戒波逸提餘如畜眷屬中說

上三

九

尔時諸比丘尼與懷妊女受具足戒入村乞食諸白衣見戲弄言此比丘尼擔重擔應速與食或有言且觀其腹或有言此等不修梵行或有言此修梵行是未出家時事便呵責諸比丘尼言何不待產竟然後出家以此毀辱梵行諸比丘尼不知可度不可度無沙門行破沙門法諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼與懷妊女受具足戒波逸提發心乃至白四羯磨竟皆如上說若欲與受具足戒應先看乳若無兒相不犯若受戒竟方懷妊亦不犯

尔時諸比丘尼與新產婦受具足戒一手捉鉢一手抱兒行乞食諸白衣見戲弄言速與二人食諸白衣譏嫌長老諸比丘尼種種呵責乃至今爲諸比丘尼結戒亦如上說從今是戒應如是說若比丘尼與新產婦受具足戒波逸提餘如畜眷屬中說

尔時諸比丘尼年年與弟子受具足戒弟子衆多不能一一教誡愚闇無知不能學戒諸長老比丘尼見種種呵責乃至今爲諸比丘尼結戒亦如上說從今是戒應如是說若比丘尼年年與弟子受具足戒波逸提比丘尼隔一年得與一弟子受具足戒餘如畜眷屬中說

尔時諸比丘尼於比丘尼僧中授弟子具足戒經宿然後就比丘僧受戒受戒人於一宿中得遮受戒病比丘僧不復與受諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼異

宿與弟子受具足戒波逸提從發心乃至明相未出突吉羅明相出和尚波逸提餘師僧突吉羅若僧不和集及八難起不犯

余時諸比丘尼新受戒不依承和尚無人教誠故愚無所知不能學戒諸長老比丘尼見種種呵責乃至今爲諸比丘尼結戒亦如上

上三  
說從今是戒應如是說若比丘尼新受具足戒不六年依承和尚若使人依承者波逸提式叉摩那沙弥尼突吉羅若和尚不須依承者不犯

余時諸比丘尼與弟子受具足戒已不攝取不教誠不教誦習愚闇無知不能學戒諸長老比丘尼見種種呵責乃至今爲諸比丘尼結戒亦如上說從今是戒應如是說若比丘尼同學病不自看不教人看波逸提同學者同和尚阿闍梨及常共伴式叉摩那沙弥尼突吉羅若住止不同不犯

上三  
士  
余時諸比丘尼度屬人婦女諸白衣譏呵言此諸比丘尼無可度不可度者諸居士有言應奪取衣鉢將付官者有言波斯匿王有令若輕陵比丘比丘尼者當與重罪應速放去莫令人聞皆言此等無沙門行破沙門法諸長老比丘尼聞種種呵責乃至今爲諸比丘尼結戒亦如上說從今是戒應如是說若比

龐惡姪欲語諸長老比丘尼見種種呵責乃至今爲諸比丘尼結戒亦如上說從今是戒應如是說若比丘尼畜弟子不自將不使人將離本處五六由旬波逸提本處者若生處若嫁處若弟子不從者不犯

余時諸比丘尼同學病不看視故或不時差

或至命過諸長老比丘尼見種種呵責乃至今爲諸比丘尼結戒亦如上說從今是戒應如是說若比丘尼同學病不自看不教人看波逸提同學者同和尚阿闍梨及常共伴式叉摩那沙弥尼突吉羅若住止不同不犯

上三  
士  
余時諸比丘尼度屬人婦女諸白衣譏呵言此諸比丘尼無可度不可度者諸居士有言應奪取衣鉢將付官者有言波斯匿王有令若輕陵比丘比丘尼者當與重罪應速放去莫令人聞皆言此等無沙門行破沙門法諸長老比丘尼聞種種呵責乃至今爲諸比丘尼結戒亦如上說從今是戒應如是說若比

丘尼度屬人婦女波逸提屬人者若屬官若  
餘人發心乃至白四羯磨竟亦如上說若主  
聽不犯

余時諸比丘尼度長病女人不堪學戒愚闇  
無知諸長老比丘尼見種種呵責乃至今爲  
諸比丘尼結戒亦如上說從今是戒應如是

說若比丘尼度長病女人波逸提長病者長  
患寒熱發作有常發心乃至白四羯磨竟亦  
如上說若受戒後得此病不犯

余時諸比丘尼度屬夫婦人白衣譏呵或欲  
奪衣或欲放遣乃至今爲諸比丘尼結戒皆  
如屬人婦女中說從今是戒應如是說若比  
丘尼度屬夫婦人波逸提發心乃至白四羯

磨竟亦如上說  
余時諸比丘尼度負債女人乃至今爲諸比  
丘尼結戒皆如度屬人婦女中說從今是戒  
應如是說若比丘尼度負債女人波逸提發  
心乃至白四羯磨竟亦如上說若言出家竟

然後還債度此人不犯

余時諸比丘尼於闇處與男子共立共語生  
長老比丘尼聞種種呵責乃至今爲諸比丘  
尼結戒亦如上說從今是戒應如是說若比  
丘尼與男子闇處共立共語波逸提若闇處  
語語語波逸提式叉摩那沙弥尼突吉羅若  
疑怖處若燈卒滅不犯

余時諸比丘尼隨所知識家輒坐其牀諸白  
衣譏呵言不喜見此不吉利物不知可坐不  
可坐無有風法諸長老比丘尼聞種種呵責  
乃至今爲諸比丘尼結戒亦如上說從今是  
十二

戒應如是說若比丘尼不語主人輒坐其牀  
波逸提式叉摩那沙弥尼突吉羅若主人教  
坐不犯  
余時諸比丘尼自手與白衣及外道男子食  
彼作是念此比丘尼必以染著心與我食便  
調弄說鹿惡姪欲語諸長老比丘尼聞種種

呵責乃至今爲諸比丘尼結戒亦如上說從  
今是戒應如是說若比丘尼自手與白衣及  
外道男子食波逸提式叉摩那沙彌尼突吉

羅若不自手與及自手與親里皆不犯

余時諸比丘尼向諸白衣說諸比丘過失言  
彼比丘破戒破威儀破見諸比丘聞便瞋不

復教誡諸長老比丘尼聞種種呵責以事白  
佛佛以是事集二部僧問諸比丘尼汝等實  
尔不答言實尔世尊佛種種呵責言我先不  
爲汝說八敬法耶種種呵責已告諸比丘今  
爲諸比丘尼結戒從今是戒應如是說若比

丘尼向白衣說比丘過波逸提式叉摩那沙  
彌尼突吉羅若白衣先聞而問應反問言汝  
云何聞若言我如是如是聞諸比丘尼聞亦  
如是然後以實答不犯

余時旃荼脩摩那比丘尼與人鬭諍已自捉  
自打大喚啼哭諸長老比丘尼聞種種呵責  
乃至今爲諸比丘尼結戒亦如上說從今是

戒應如是說若比丘尼與人鬭已自打啼哭  
波逸提若自搥自打下下皆波逸提式叉摩  
那沙彌尼突吉羅

余時諸比丘尼共遙指點旃荼修摩那說其  
鬪事便謂罵已復大喚言諸比丘尼罵我諸  
比丘尼即往問言我等作何等罵汝便不知

何道諸長老比丘尼聞種種呵責言云何比  
丘尼不諦了人語而妄云罵已乃至今爲諸  
比丘尼結戒亦如上說從今是戒應如是說  
若比丘尼不諦了人語妄瞋他波逸提式叉  
摩那沙彌尼突吉羅

余時諸比丘尼共諍各作呪誓言我共如是  
當墮地獄如調達瞿伽梨受罪我亦當尔我  
若不如是汝當受如是罪諸長老比丘尼聞  
種種呵責乃至今爲諸比丘尼結戒亦如上  
說從今是戒應如是說若比丘尼自呪誓實  
以呪彼波逸提作此呪誓語語波逸提式叉  
摩那沙彌尼突吉羅

上三

十三

爾時諸比丘尼擲屎尿於籬牆外汙泥人及非人時有婆羅門大臣彼冕齋潔清淨晨朝洗浴著香熏衣欲至天祠求福其官裏頭行路恐見剃髮割截衣人至比丘尼牆外過值擲屎灌其頭上舉體流漫便大恚言我畏見此不吉人而今乃爲擲屎所灌必是我命不

吉祥事然我要當至波斯匿王所言殺禿婢於是便還逢一相師婆羅門婆羅門問言何故如此具以事荅相師言乃是大吉汝今當得金錢一千復本官位猶瞋不已持此屎汙之形逕詣王所王問何故如此即具以事荅王拍手大笑即勑賜金錢一千復先官位王

諸傍臣便譏呵言擲屎汙人豈是求道濟物之意諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼擲屎於籬牆外若使人擲波逸提式叉摩那沙弥尼突吉羅

爾時諸比丘尼擲糞掃及殘食於籬牆外汙

泥人及非人諸白衣見譏呵言云何比丘尼隔牆擲糞掃汙泥於人此等無有法則諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼擲糞掃及殘食於籬牆外若使人擲波逸提式叉摩那沙弥尼突吉羅

爾時王園精舍前地極平正生軟好草衆人常於中嬉戲亂諸比丘尼坐禪行道諸比丘尼厭患便共於中大小便汙使不淨以却衆人衆人後來如常嬉戲汙其手脚衣服器物便大恚言誰於此處漫縱屎尿有人言是比丘尼皆譏呵言此等出家求道清淨如何穢汙如此好處斷人樂事諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼於生草工大小便波逸提式叉摩那沙弥尼突吉羅若急病不犯

前地以却衆人諸白衣譏嫌長老比丘尼間種種呵責乃至今爲諸比丘尼結戒亦如上說從今是戒應如是說若比丘尼擲糞掃殘食生草上波逸提式叉摩那沙弥尼突吉羅若擲坑中非淨潔處不犯

余時諸比丘尼於有食家宿聞彼夫婦交會

上三

十五

時聲生愛欲心不復樂道遂有反俗作外道者諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼於有食家宿波逸提有食者有男女情相食入式叉摩那沙弥尼突吉羅若病須宿及諸皆難起不犯

余時諸比丘問諸比丘尼某甲家在何處此路向何處諸比丘尼輕慢不答諸比丘瞋嫌不復教誠便愚闇無知不能學戒諸長老比

丘尼聞種種呵責乃至今爲諸比丘尼結戒亦如上說從今是戒應如是說若比丘尼比丘問不答波逸提時六羣比丘作鹿惡語問

比丘尼比丘尼雖答而懷羞恥以事白佛佛以是事集二部僧告諸比丘今聽諸比丘尼若比丘如法問者應答從今是戒應如是說若比丘尼若比丘如法問不答波逸提式叉摩那沙弥尼突吉羅若先相嫌不共語不答

不犯

余時諸比丘尼乘乘詣諸白衣諸白衣譏呵言此諸比丘尼如王夫人貴家婦女乘乘行來無有儀法諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼乘乘行來波逸提乘者車輿象馬乃至著履皆名爲乘式叉摩那沙弥尼突吉羅若老若病若爲強力所逼若行路乃至脚指痛皆不犯

一百四十四竟

十六末

彌沙塞部五分律卷第十三

上三

籌量上直流依怙下音貽余之嬉戲上許牽曳下羊革屣下所轍音妊而禁槌直逆汗

泥下鳥臥反  
半莫乘乘上平聲車輿居二字音著役逆反  
平江路磧沙延聖寺比丘行燈發心捨施帛水七十六石恭入刊經局

工匠食用助刊大藏經板所集殊歎仰祈  
佛法永遠流通法界衆生咸歸正覺四恩報三有漏資並無有情  
同圓種智者大慈年月日意

### 彌沙塞部五分律卷第十四 上四

#### 第二分鹽法之餘 尼律

宋翻寶三藏佛陀什共竺道生等譯

尔時諸比丘尼著革屣持蓋詣諸白衣諸白衣譏呵言此諸比丘尼如姪女行來諸長老比丘尼聞種種呵責乃至今爲諸比丘尼結一  
醫戒

戒亦如上說從今是戒應如是說若比丘尼著革屣捉蓋行來波逸提蓋者乃至草蓋革屣者乃至一重式叉摩那沙弥尼突吉羅不犯如上

尔時有夫婦二人俱時出家彼夫比丘乞食持還至婦比丘尼住處食其婦比丘尼捉水

瓶立前以扇扇之與水輒問冷暖彼夫比丘低頭食不視不共語彼比丘先白衣時有私通女人亦出家在彼住來出見之比丘便笑其婦比丘尼嬾妬心發即以水瓶打比丘頭破諸比丘尼呵言云何比丘尼捉水瓶及扇立比丘前給水及扇遂復打其頭破諸長老

比丘尼聞種種呵責乃至今爲諸比丘尼結戒亦如上說從今是戒應如是說若比丘尼捉水瓶及扇立比丘前若給水若扇波逸提若欲給水與竟應遠去不應住前立式叉摩那沙弥尼突吉羅

尔時諸比丘尼誦治病經方諸白衣譏呵言此等但學醫術無求道意何不以此誦讀佛經諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼誦治病經方波逸提式叉摩那沙弥尼突吉羅若爲自病若慈愍若強力所逼看讀不犯